

## **KARDŽIĆEVOM SARADNIKU SUDI SE ZA RATNE ZLOČINE U SARAJEVU**

**Author:** [IWPR](#)  
[ICTY](#)

Piše: Denis Džidić iz Sarajeva (TU br. 476, 10. novembar 2006.)

Mandić je najviši zvaničnik ratne vlade bosanskih Srba koji se do sada našao pred ovim sudom.

Kada je rat počeo, on je obavljao funkcije pomoćnika ministra unutrašnjih poslova i ministra pravosuđa u vladi bivšeg lidera bosanskih Srba i jednog od najtraženijih bjegunaca osumnjičenih za ratne zločine, Radovana Karadžića.

U odvojenim saslušanjima koja su u Sarajevu održana u posljednjih nekoliko mjeseci, Mandiću se sudilo za navodna finansijske malverzacije. Tako ga je protekle sedmice državni sud već osudio na devet godina zatvora zbog organiziranog kriminala i korupcije.

Mandić se sumnjičio i za to da je nakon rata godinama obezbjeđivao finansijsku podršku Karadžiću, pomažući mu da umakne pravdi. No, te optužbe pred sudom nisu dokazane.

Budući da mu se nije moglo suditi po dva osnova istovremeno, saslušanja koja se tiču ratnih zločina su počela gotovo odmah po izricanju presude za finansijske malverzacije.

U optužnici se navodi da je Mandić bio odgovoran za nekoliko zatvorskih objekata u Bosni, u kojima su nesrpski zatvorenici boravili pod užasnim uslovima, te bili mučeni, a često i ubijani.

Takođe se tereti i za to da je u aprilu 1992. predvodio srpski napad na centar za policijsku obuku u Sarajevu, gde su nesrpski treneri pritvoreni i brutalno mučeni.

Tužilac Behaija Krnjić je u svojoj uvodnoj riječi ove sedmice najavio da će pozvati pedesetak svjedoka i podnijeti preko stotinu dokumenata, čime će, kako se nada, biti dokazano da je Mandić odgovoran za zločine za koje je optužen.

Međutim, odbrana najavljuje da će, u cilju pobijanja navoda tužilaštva, izvesti svog glavnog svjedoka – britanskog diplomatu, lorda Pedija Ešdauna (Paddy Ashdown). Odbrana tvrdi da je lord Ešdaun navedene logore posjetio i tom prilikom zaključio da se njima ne krše Ženevske konvencije.

Okrivljeni je ove sedmice rekao kako se nada da će suđenje biti pravično, odbacivši ponovo sve navode iz optužnice.

Kazao je i da njegovo ministarstvo pravosuđa „nije bilo nadležno za logorske zatvorenike“, prebacivši krivicu na vojsku i policiju.

„Ja sam nevin i ovdje sam samo zbog toga što sam bio na visokom položaju u ratnoj vladi“, rekao je on sudijama.

Suđenje se nastavlja.

Denis Džidić je izvještač IWPR-a.

**Focus:** International Criminal Tribunal for the former Yugoslavia

---

**Source URL:** <https://iwpr.net/sr/global-voices/kardzicevom-saradniku-sudi-se-za-ratne-zlocine>